


PILOTA



Juan Mari Goldarazena.

Finalerako txartela eskuratu zuen Iturzaeta-Marurik

RAMON BASALDUA / BILBO

Euskadiko pala txapelketako finalerako txartela eskuratu zuen atzo Jose Mari Iturzaeta eta Marurik osatutako bikoteak, Fede Arribillaga eta Goldarazena 45-36 irabazi ondoren. Partidu hau bi bikote horiek jokatzeko zuten hirugarren zen. Lehenengo Iturzaeta eta Marurik irabazi zuten 45-32 eta Arribillaga eta Goldarazena 45-33.

Atzoko partiduari dagokionez, Iturzaeta eta Maruri aurreratu ziren markagailuan hasiera hasieratik eta ez zuten amore eman partidua amaitu arte. Arribillaga eta Goldarazena hiru tantutara hurbildu ziren arren (34-31), ezin izan zioten markagailuari buelta eman. Fede Arribillaga ez zen batere fin ibili atzo, Jose Mari Iturzaetari gauzak oso erraz jarritz. Gauzak horrela, Iturzaeta eta Marurik, Iriondo eta Torrerren kontra jokatu dute Euskadiko pala txapelketako finala datorren ostiralean Bilboko Deportivo frontoian.

Karteldegia

Gaurko partiduak

ASTELENA. 16.30. Satrustegi - Salbidea / Ansotegi - Urra. Ladutxe - Zezeaga / Alustiza - Arretxe. Lau terdian: Irazola / Murga.

DEPORTIVO. 16.30. Ziskar - Alzibar / Landea - Alvarez. Isusi II - Lizardi I / Iriondo - Otero. Sanchez - Otxandiano / Peluaga - Aia Zulaika.

DURANGO. 16.30. Altuna - Zelaia / Zarandona - Arrieta. Urizar I - Madarieta / Nuñez - Enrike. Mikel - Bilbao / Goixerri - Usutorre.

Biharko partiduak

BEOTIBAR. 16.30. Zabala - Errasti / Ariznabarreta - Martinikorena. Bengoetxea IV - Galarza III / Unanue - Tolosa. Iribarren - Andueza V / Telletxea - Santi.

GERNIKA. 17.00. Aja - Zubiaga / Armendariz - Markos. Gabonetako Txapelketako finalerdia: Txikito Bolibar - Castro / Jauregi - Unanue. Elola - Zabaleta / Azkarate - Olasagasti.

Retegi II eta Maiz II finalerdietan Eugi-Errandoneari irabazi ondoren

Ostiral gauean Unanue eta Zezeaga nagusi Salaberria-Galarzaren kontra

Julian Retegi eta Antton Maizek Eskuz Binakako Txapelketako finalerdia jokatu dute, atzo Bergaran Eugi eta Errandoneari irabazi ondoren (22-16). Patxi Eugiren joko bikaina ez zen nahikoa izan liderren kontra. Ostiral gauean, berriz, Unanue eta Zezeagak 22-12 irabazi zuten Beotibarren, Salaberria eta Galarzaren kontra.

DONOSTIA

Finalerdietarako txartela eskuratu zuten atzo Retegi eta Maizek Bergaran, Eugi eta Errandonearen kontra 22-16 nagusiztean.

Antton Maiz ohi bezain seguru atzekaldean —aurreneko hutsa 20-16 tantuan egin zuen Aranazkoak—, Julian Retegi nagusi zen aurreko koadroetan. Patxi Eugik ez zion bizkarra eman, ordea, Erasungoari eta atzera pilotakada onak bota arren —aurreneko tantuan erreboteraino iritsi zen—, Agoizkoak Retegiri ere bikain jokatu zion.


Markagailua 20-16an zela izugarritzko erreakzioa izan zuten gazteek, eta Eugik lau tantu egin zituen jarraian, dejadaz. Azken bi pilotak, ordea, txapapera bota zituen Agoizkoak, eta hor amaitu zen partidua.

UNANUE-ZEZEAGA NAGUSI BEOTIBARREN

Unanue eta Zezeagak finalerdietara sailkatzeko urrats garrantzitsua eman zuten ostiral gauean Beotibarren, Salaberria eta Galarzari 22-12 irabaztean. Atzean partidu kaskarra egin zuen Barabarkoak, eta Zezeagak tantu askotxo galdu arren, Ueberakoa nagusi agertu zen pilotetan. Aukera hori aprobetxatuz, Unanue partiduko izarra bilakatu zen.



Joxean Agerre.



Julian Retegiri lan handiak eman zizkion Patxi Eugik.

CARLOS VILA / GENT

Eskuz Binakako Txapelketa

A multzoa	J	I	G	A	K	Pt.
1. Retegi II-Maiz II	3	3	0	66	35	3
2. Alustiza-Tolosa	3	1	2	41	47	1
3. Eugi-Errandonea	2	0	2	19	44	0
B multzoa	J	I	G	A	K	Pt.
1. Unanue-Zezeaga	3	2	1	60	52	2
2. Bergara II-Arretxe	2	1	1	40	38	1
3. Salaberria-Galarza	3	1	2	50	60	1

Añorgakoak ezker gantxoiz tantu bikainak lortu zituen, eta Galarzaren erreto ahulei dejada politak eginez erantzun zion.

Azkar hartu zuten aurrea gipuz-

koarrek (11-1). Zezeaga pilotetan nagusi azaldu arren huts batzuk ere egin zituen. Azken tantuetan Unanue izan zen protagonista, dejada eta bi-pareta izugarriak eginez.

Arregi-Mujika nagusi Galarretan

DONOSTIA

Miguel Zestauri omenaldia egin zitzaion atzo Galarretan, eta tarterko Erremonte Txapelketako partidua izan zen jokoan. Arregi eta Mujika I jaun eta jabe agertu ziren Intxaurburu eta Agerrearen kontra, txapelketako bikote indartsuena dela erakutsiz. Emaitzak argi erakutsi zuten pilotalekuan gertatu zena (40-26). Ha-

sieratik aurrea hartu zuten sailkapeneko liderrek, eta gero Agerrek onartu zuen moduan «ezin izan diogu buelta eman». Imanol Mujikak bikain jokatu zuen atzekaldean, eta txapela kentzeko modukoa izan zen Arregiren lana, izugarria defentsan zein tantua erabakitzean. Galtzailak, berriz, ez ziren oso fin ibili eta gero eta zailagoa dute finalera sailkatzea.

Erremonte txapelketa

	J	I	G	TA	TK	Pt.
1. Arregi-Mujika I	5	5	0	200	143	5
2. Matxin-Aizpuru	5	3	2	174	179	3
3. Intxaurburu-Agerre	6	3	3	215	215	3
4. Altuna-A. Lekunberri	5	2	3	167	160	2
5. Aseginolaza I-Mujika II	5	0	5	148	200	0

FIBAk Baltikoko errepublikak onartu zituen atzo

Nazioarteko Saskibaloi Federazioak (FIBA) Letonia, Lituania eta Estonia, hau da, Baltikoko errepublikak onartu zituen atzo. FIBAk zuzendari batzordeak Ukraina, Georgia, Eslovenia eta Kroaziaren eskakizunak ere aztertutik, baina gai horren inguruan ez zuen inolako erabakirik hartu. FIBAk hartutako erabakia- ren ondorioz, Lituania, Letonia eta Estoniak ekainaren hogeitabitik uztailearen bosta bitartean jokatu den olinpiadak aurreko txapelketan hartuko dute parte.

KRONBERGERrek irabazi zuen Serre Chevalierren

Petra Kronberger austriarrak irabazi zuen atzo Serre Chevalierren jokatu dute jaitziera proba. Garaipen horren ostean Kronbergerrek Munduko Kopako sailkapeneko lehen postuan segitzen du. Atzoko jaitzieran Heidi Zurbri- ggen eta Miriam Vogt sailkatu ziren bigarren eta hirugarren postuetan. Bestalde, esan beharra dago gizonezkoek Saint Antonen jokatu behar zuten jaitziera bertan behera geratu zela eta slaloma atzeratu egin zutela.

MAGIC JOHNSON ez da saskibaloi kantxatara itzuliko

Barcelonako Joko Olinpikoetan jokatu nahi duela esan duen arren, dagoeneko kasik ziurtat jo daiteke Magic Johnson ez dela saskibaloi kantxatara itzuliko. Bere kasua segitu duten medikuek esan dutenez, horrek modu nabarmen-ean okertuko luke bere osasuna. Jokatu ezinean, Johnsonek bere bizitzari buruz idaztea ekin dio. HIESA eta bere bizitza pertsonala argitzen duen lehen liburua dagoeneko kalean da.

SESTAOk jokalaria ohien aurka jokatu du

Sestao Sport taldeak bertako jokalaria ohien aurka partidua antolatatu du 75. urteurreneko ospakizun ekintzetarako. Blas Ziarretak zuzenduko duten taldean honako jokalaria hauek jokatu dute: Asier, Luke, Valverde (Athletic), Herrero (Logroñes), Gorriaran (Oviedo), Agirre (Real), Ribera, Liaño, Josu, Albistegi, Aspiazu, Sabin Bilbao (Deportivo), Gonzalo, Joseba Aguirre (Burgos), Nuñez, Txelis, Mentxaka (Murcia), Irueta (Mallorca), Gonzalez Etcheberria (Merida) eta Ibarrondo (Rayo Vallecano).